

崔東洲集卷之九

五言絕句詩二十首


遊武當四首

七十二僊城琉璃千萬宮
隅隨青鳥去半月紫霞中
遙瞻金碧壇龍從雲霧裏
入林憇峯巔峻閣忽松底
嘉木擁虛壑綠霏繞瑤臺
貪看坐不移煩襟洞然開
冥登天柱峯恍如生羽翮
俯見漢江流影影一絲白

遊雲夢夕憇公署後園二首

蘭舟入雲夢霄壤豁如剖
身在元氣中何啻吞八九

維揚



舍舟憇芳林白雲隔溪度逍遙誦南華手浣薔薇露
中秋前夕集王玉山宅二首

秋半楚山素月洒幽庭彩揮杯坐不辭祗恐清陰改
秋姿滿庭綠城靄蔭高閣醉月步廣堦衣上寒光落
中秋夕小雨集袁靜菴宅二首

楚月如厭客忽揜城東雨聊醉袁紹杯共作秋花主
白露捐蕙芳微陰淨菌屋取醉終遙夕蟾蜍愛新浴

別王生二首

我愛王子喬攀鴻碧海遊橫吹白玉笙流響滿滄洲
長風吹海雲暮結江南樹欲覓孝廉船天空不知處

別胡瓶山中丞四首

曾締牛年約續紛翰墨羣聯鑣天上陌飛入杏花雲
共子鄂渚濱相携采蘭芷一笑澹無言石上秋雲起
冥登黃鶴樓直探神僊窟頰窺銀漢流天風落明月
握手再相見燕酷共暮春寒溫話不盡又作別離人

幽興四首

三月醉春風猶嫌春日短鶯花儘意吟瀟散無人管
六月不知暑深入修篁徑卧聽落泉聲天風吹短鬢
杖藜步秋溪衣染露華濕竚見白雲偃野鶴似人立
巖月海天寂寒雲垂墊低何以淨襟抱雪峰叢竹西

七言絕句詩四十六首

蜀客索詩兼簡余方池館兄

蜀道風烟促使車贈君惟有一雙魚故人問我爲官
在門拚梅花只讀書

太和山萬松亭

攀崖躡磴入僊門仰見瑤宮紫靄屯更上虛壇最高
處轉驚樓閣萬松根

襄陽午行

三峴山家雨半犁牧兒吹笛尚銅鞮小桃風軟過柴
店午爨烟中飛竹鷄

均州曉行

長風吹曉客寒生月絀星稀帝子城漢水流煙半明
滅馬前深草竹鼪聲

鄖陽春行有感

憶昔清秋踏雨沙重來短劍觸飛花黃雲碧草皆愁
思何處僊人白鹿車

鄖山晚行賦所見

野人麋鹿自同群閉戶山虛長白雲菜婦漁翁歸路
別竹西啼鳥落殘曛

予每愛普門寺舍西竹未造其所今夕角巾

步去興覺瀟然

山青沙白寺門連松桂春深萬壑前
月色半陰苔石路呼僧看竹過西禪

江陵龍山

悠悠江漢接天還三國爭雄虎豹關
何意狂夫能落帽至今人只說龍山

章華臺

沙市黃鸝啼暮春落花殘雨淨輕塵
傍人指點章臺路煙草微茫認不真

監利濯纓臺

監利千山風雨多濯纓臺下漲寒波
停舟細問靈均處更有清流是汨羅

石首繡林山昭烈娶孫夫人所

孤石盤江江水深英雄殘甲鐵猶沉
當年天地纏兵氣安得春風入繡林

寄壽儲太夫人

瑤池西母黃花燕豸繡雲霄游子歸
愧我不能鷄黍約峴山回首紫霞飛

祁陽道中遊烏符觀四絕

僊臺百尺與雲平樓外山圍碧玉城
偶借石床成小

東洲身卷之九
四
憇隔巖風樹萬龍聲

讀洞賓訪蔣暉詩

僊詞讀罷思悠悠
衡耒風烟眼底浮
安得更聞吹鐵
笛一聲雲外萬山秋

和洞賓韻

乾坤闔闢此江山
吞吐葫蘆一粒丹
腰下青蛇人不
識靈光長犯斗牛寒

自笑用前韻

長年作客慣尋山
又見酣霜萬木丹
謝客尚留雙屐
健且招衡月弄清寒

余草池之留都二首

峴山曾接草池僊
花老春風已二年
此會肯騎磯上
鶴共君吹遂弄湘烟

雪壓寒雲共別觴
鶴樓東望鳳臺長
石城此去千峰
月照見詩家錦繡腸

張札舉人入試

雲滿千山銀漢斜
張騫萬里泛僊槎
定知牛女傳消
息飛馬春風三月花

趙維舉人入試

清獻於今不乏賢
江樓別酒萬山前
爲君借取僊人

東洲集卷之九
五
笛鶴背橫吹看上天

嘲松

子於四物爲五友而嘲之者以日夕狎之故與之謔耳

獨立高寒節不孤
風雷時作老龍呼
無端也道浮名好
留與人稱松大夫

嘲竹

瀟灑泉溪百畝秋
只堪清玩伴王猷
鳳簫莫漫隨羸女
吹斷春心總是愁

嘲梅

不逐時芳漫競春
歲寒雪月自相親
祇緣誤識孤山老
曾傍西湖看醉人

嘲菊

一秋寥落看花杯
滿眼芳菲菊又開
疑是遊人怨春去
金錢特地買回來

題小景

結箇茆庵倚玉峯
翠梧疎木鎖芙蓉
何人踏破蘼蕪徑
疑是君王問卧龍

張石川小畫次文衡山韻

濃陰灘畔木蘭橈
幽坐漁翁爲避囂
一曲白雲心共遠
萬峯回首浸春潮

夏涼思親

夏曰風生竹樹幽披襟閒對一林秋江南江北無多
路誰寄清涼到白頭

南都思親寄林弟

家近揚州多故人相逢便問白頭親從教傳得平安
信不及趨庭見面真

南省槐

濃綠庭槐省署深黃金花滿散清陰試聽涼月沉沉
夜定有風飄絲竹音

松臯閣老扇景三首

懸崖絕壑綠陰多更有幽禽響薜蘿晶晶晚潮生遠

浦滿船秋色送漁歌

石瘦泉枯百卉截老梅留得一枝香清風萬壑憑誰
管盡付詩人入錦囊

雨歇秋風送晚涼小舟橫處碧溪長何當携取如灑
酒同入菰蒲醉一觴

劉春岡草堂圖

劉向勲名重 帝都草堂遙寄碧山隅桃花柳絮誰
爲主三月春光看畫圖

葉省庵歸廣陵

楚城二月鶯花亂送客江頭愁暮陰此去吹簫橋上

月想應照見使君心

楊副郎迺翁所作紅梅圖

文昇

孤山老僊已飛去留得僊花此尚傳萬顆驪珠春錯
落清香不斷到曾玄

西湖五首

湖冷山光岸帶沙石扉茅屋墊人家短墻不解遮春
色露出早梅開白花

碧湖堤外帶方塘傍水人家蔭綠楊門揜藤蘿春寂
寂滿園飛蝶菜花黃

春朝過雨送輕寒半落桃花桑葉團多少樓臺山色

裏畫船移傍六橋看

四山花鳥弄新晴煙處湖光半迭城醉領春風歸去
晚松聲一路送遊人

雪壓澄湖千萬峯玻璃倒插玉芙蓉野梅亭下呼雙
鶴轉恐春深改舊容

吳子歸姑蘇

季子風流歸興新萬山啼鳥落花春洞庭水石青林
裏應有繁陰待主人

張生歸雲川省母

長安遊子罷斑衣九乳山虛雲自飛買得扁舟五湖

東洲集卷之九
去青天笑指白雲歸

正月風雪園坐即事

風雪蕭蕭入早春梅花零落轉精神杏桃自道禁寒
得偷眼還窺醉飽人

春暮

海上雲生烟雨斜碧桃片片點庭沙黃鸝不解愁
濕又聽笙歌過別家

別碧潭子

六月天風海氣寒碧霄萬里看鵬搏何年驄馬揚州
陌訪舊還能到考槃

虞醫南歸

楚月淮雲渺去槎上池深處是僊家歸來丹鼎添新
火坐嘯春風落杏花

崔東洲集卷之十

維揚崔桐撰

詞三十一首

沁園春餞別入覲同年次韻

四海相逢寒溫重叙三十年前錦席高張侯門深處
玉卮送煖寶篆凝煙喜芳辰撫景開情群英酬勸此
樂誰誇李郭僊况太平時節乘閒取醉賓主俱賢
酒籌休問留連看昨夜蟾光已半圓念中外萍踪歡
娛未幾朝天宴罷宦轍將旋且須笑語徘徊痛飲
一息春宵真可憐爲高歌嚶嚶鳴鳥求友詩篇

洞天春送盧涑西司成南行

輦路新銷殘雪嫩綠小紅時節陌柳纖條不堪折又
見高軒別 玉署初盟暫歇望望青霄轍壁水風高
石城天渺離情縮結

木蘭花慢贈別胡錡山中丞次韻

肅慎當年地到于今舊事非念塵暗龍庭波翻鴨綠
赤子安歸好男兒截利器正揚眉烈烈賦無衣肯使
鳳凰山下還容豺虎驕肥 節擁熊貔百萬師仗鉞
鎮遼西看雄威壯氣凌山絕海電馬雲旗况 聖人
臨紫極亘華夷一統仰 龍飛見撓捨等閒掃淨金

城萬古長圖

錦纏道別高子守平涼

風斜燕子正春雨鳳城東萬芳菲競紫爭紅使君飛
馬翠煙重雙懸龍劍烈烈氣何雄 皂蓋朱旛去遙
指崆峒覓當年問道何蹤想名書白玉屏中待棠陰
滿地天上報 重瞳

畫堂春贈陳生伋任休寧

春郊浮煖燕泥香馬嘶嬌柳新楊故人東去古郵長
把手離觴 滿路江山圖畫迎眸花草文章佐政聊
登百里堂紫鳳還翔

金菊對芙蓉謝孫子貽菊圖

南省幽閒小齋春暮昏昏睡思方慵驚妙染相貽浣
手開封頃刻畫堂秋浦冷灑霜姿萬蕊玲瓏 端詳
把玩逼人清氣白練生風玉壺金井心曾借彩毫寫
出造化爭雄許梅孤竹瘦此味堪同羞比是春嬌芍
藥何須對秋水芙蓉自有一家風韻百媚成空

洞僊歌贈白沙村尹新樂

淮海清才一片昆山玉白眼那堪塵世俗抱竒姿幾
年氣掄虹霓清廟裏未就珪璋雕琢 百里荷雷封
墨綬銅章炯炯英華纔出璞待從今日須小展含章

應列宿光懸鉅鹿奏成功滿縣種桃花愛白晝鳴琴
絃歌比屋

風入松贈楊竹窩贊政紹興

鳳城花氣醉流鶯天涯春又生燕酷欲買傾懷抱能
幾日又送君行官柳路嬌嘶馬長亭杯點飛英 東
風陌上紫騮輕笑指越江城沃洲天姥黃堂下佐諸
侯政報新成試問安民何策鑑湖一片冰清

玉漏遲贈王瀛溪守沔陽

麥序午雲輕正紫陌晴絲飛百尺燕子風斜亂蹴葵
紅榴赤美人璞抱連城想荆楚還知和璧別天門笑

東坡集卷之十一
指黃蓬冥冥矯翮 到時煙雨樓開看劍氣橫虹胸
吞夢澤漁父雙林試問閭閻命脉萬頃滄浪水月應
照見使君清白報成功又上金臺作客

水調歌頭贈寧夏王鳳泉中丞

美人辭我去在五鳳樓頭百尺晴絲遊颺盡牽惹離
愁憶昔杏花飛馬漫作萍踪鴈跡三十一春秋驛梅
消息斷玉樹阻風流 五雲端雙闕表鳳還遊相逢
能幾 詔傳螭尾付邊籌繫肘纍纍金印賀蘭燁燁
霜旂此別又難留待奏膚歸也杯酒共瀛洲

謁金門贈葉斗問司教上饒

金臺曲官柳陰生繁綠祖杯風引葵榴馥笑倚荆山
玉 九斗光鍾竒淑眉滿珠璣萬斛清風鐸振靈山
麓喚起蛟龍伏

御街行贈宗履庵尹金卿

落紅淺絮送春闌繁綠暗燕關金塘新漲鳧鷖水翻
飛雙鳥難攀雲深泰嶽天渺陽峯望望隔人寰 簾
垂桃雨舞爛斑風靜玉琴閒纖塵不動桑麻長向隅
民又開顏丹青獻勳紫鳳徵書天上使君還

憶帝京贈王圉山尹單邑

蘭茗翡翠弄幽吟河橋濃綠成陰燕酷聊買醉離思

不堪禁清標憐楚玉高價重揚金
雲擁僊鳧入望
深羨子還彈單父琴簾垂白日花
暎栖霞試聽絃歌
百里音飛騰瞻碧落話舊合華簪

青門引贈史元忠丞河間

雪月金臺客又見葵丹榴赤鳳城
別去佐諸侯瀛海
蒼烟深處翻雲翮
白玉神京鄰咫尺保障須奇策
清哦未數松廳別有功名垂竹帛

玉樓春送張子和考績還容城

蕭蕭易水寒千古野望三臺誰比
數朔氛燕雪不留
春百里千家今幾戶
使君惠愛飛甘雨即松山下

清風吐奏功歸去下雙鳧歡呼滿
縣桃花舞

謁金門贈韓右禱貳守高唐

文炳江都人

涼颼起雨歇鳳城如洗霜染芙蓉
秋色裏君去辭丹
泉
何處愛民如子鳴犢寒泉河
瀾瀾君心試把寒
泉比一般清見底

畫堂春送許孝卿尹信宜

秋風白露語寒蛩燕城別酒香贈
君惟有菊枝黃鳧
去高涼
琴鼓龍生風雨簾塞山舞鸞
鳳桃花滿縣
似河陽績獻明堂

望仙門送吳子歸隱

鳳城秋老芙蓉水涼颼灑鱸魚時節萼羨美鄉心起
一官依日月拂袂辭青紫狼峯之下江瀰瀰好洗
幽人耳

洞天春送汪子敏任雲中理問

杏花飛馬春風昔年曾共而翁清標愛汝尚兒童佐
閩又雲中 明試鑑懸日月籌邊劍倚芙蓉紫塞雲
閒白登塵靜歸報 重瞳

鵲橋仙別重之分教泌陽

霜渡銀河秋高金闕白露黃花時節一聲旅鴈過南
樓愁結處惠連離別 紅杏宮墻香芹池館楚楚青

衿雲列朱絲寶鐸振時髦看威鳳層霄奮翮

漢宮春壽錢母

淑景春濃正鶯流燕語暗綠飛紅風惹遊絲蕩漾搖
曳晴空繡屏縵彩擁瑤筵瑞靄簾櫳道是僊姑毓秀
迴旋甲子初逢 雲帔銖衣輕麗羨鳳賓西母桃獻
東公更喜雙鸞並舞玉樹叢叢笙歌鬧裏醉瓊卮飶
薦斑龍看葭莩齊聲稱願百年繁祉攸同

鵲橋僊送冒子尹興業

燈火江城笙歌錦席暫駐層霄使節曾買燕醪別鳳
臺柳條纖那堪又折 桂海雲長梧峰天渺去去雙

鳧隔越好種桃花滿縣香舊家聲冰清玉潔

戊申三月劉伍陳三廣文邀飲覺宮贈沁園

春一闋

杏雨壇前芹風池畔暫駐雲軒正燕子泥香鶯簧歌
軟煙消晝未細柳娉婷劉向經餘陳蕃榻下清輝相
對伍喬星錦筵開招邀仙侶舊好重盟佳期莫放
勸酌停看飛絮殘紅點盡屏嘆人生踪跡一場春夢
鯨吞狐媚空自勞形此會難逢嘉賓良主酒酣起舞
劍光青聽前村一聲漁父笑入滄溟

卜算子送顧子南歸壽母

海日麗芳洲花氣暄遲晝白首慈親正倚門遊子歸
時候膝下錦衣郎爛舞春風袖鸚鵡杯深綠蟻香
願祝長生壽

風入松四闋詠四景閒居樂

亭臺簾幙鎖重重韶景又東風習懶竹床春夢穩鶯
喚醒倦眼猶慵短髮烏綸斜裹尋幽日傍花叢碧
流橋外小桃紅徙倚畫欄東玉笋銀鱗新更美好情
懷盡付杯中莫笑海翁醉也醉時百感成空
休嫌啼鳩送春歸赤日愛遲遲炎焔隔斷朱樓外碧
梧陰半落薔薇開卷羲黃靜對閉門剝啄人稀掃

溪移坐柳條低鷗浴颭芙蓉冰桃雪藕清酣後晚涼
生爲報山妻何處海翁共倚數竿風竹亭西
蕭蕭風雨淨年芳白鴈夜啼霜長空明月涼如洗芙
蓉老玉露淋浪萬里憑虛極目素襟澄徹相當黃
鷄紫鱗味堪嘗綵袖舞兒郎銀河珠斗中秋燕東籬
菊又醉重陽此興海翁不淺悲秋宋玉虛忙
海天風木萬山枯愁凍雀饑烏翠綃帳煖春還在松
醪熟不用錢酤罷能圍楚舞燈火照吳歛 壓梅欺
竹雪平鋪俗想頓消除憑危拍手呼奇絕乾坤古一
點塵無盡日海翁吟弄人遊白玉空壺

海棠春贈凌和叔之任贛城

青歸弱柳那禁折柰陽關歌聲三闋山碧曉寒輕花
醉離情結 使君南去停仙轍正絃歌滿城時節千
頃貢章波試比誰澄澈

減字木蘭花壽松厓翁

涼颺新起清襟千頃連秋水七袞遙中玉樹金芝照
酒紅 海天漠漠縹緲丹煙籠菌閣鶴馭翩翩家近
蓬瀛地上仙

漁家傲贈胡子歸省

腰珮龍泉三尺水橫騎白鶴朝 天子鳳城秋色寒

東沙集卷之十一
芳芷鄉心起青天飛馭涼飈裏 菊采黃英和王蕊
滿斟金液遙開綺老仙笑顧酡顏喜多受社長年壽
酒從今始

王聯環贈錢平厓副憲之東廣

小桃香暖燕風輕翹影飄晴豸袍金珮浮驄緲人別
去五羊城 曾教海岳爭清霖雨蒼生能辭萬里
天階遠終不負舊聲名

崔東洲集卷之十

崔東洲集卷之十一

維揚崔桐撰

記十三篇

方山子記

晉陽侯廷言氏別號方山子方山子偕東洲崔子游
荆南山水間語東洲子曰吾跡則寓斯心無日不方
山也東洲子質以山之槩曰山奠郡西勢接清源南
峙孟門殆吾土之勝也而吾固有取焉東洲子曰夫
山隱者之宅也子將事夫煙壑雲巒鸞吟鳳翔挹沆
瀣乘清泠散髮披襟於廣莫之埜心會乎調調刀刀

情融乎唱于唱喁茲以取適已乎曰有之吾不能倚於其跡也夫山有用世之靈焉月胎神乳雉飛鵲化膚寸成雲霖雨萬有補天分乎五色鎮區紆乎九光子將應鼓鳴而起躍懸鏡照而昭蘇已乎曰有之吾未始溺於其通也夫天下皆山也夫山皆可有也達人至士托意於物是故武陵五曲披圖意隨姑射老僊馳神雪月子將假一隅之石則鰲峯鷲嶺皆吾故物南探東陟取無盡藏已乎曰有之吾未敢以多取也將顧名思義云耳東洲子曰噫嘻予既已聞命矣敬以直內義以方外易道也夫義斯剛剛斯中正中正爲方君子所以終身也時乎初九潛龍勿用則不易乎世不成乎名樂則行之憂則違之確乎其不可拔也時乎九二則龍德正中至柔而動也剛至靜而德方重明以麗乎正也介石而不終日也是故立不易方動靜惟時時止則止時行則行其道光明也吾子仕甫達而義思止執非下而義不隨無所欲而義以仕是深有得於方之義而非以其山也方山子曰唯唯子爲我記之吾將服之以終吾方

吳氏祭田記

嘗水吳氏故有祠堂肇事於其先安素翁璋而祭田

東洲身卷之十一
未議厥嗣太僕簿龍謀於仲兄光祿丞鳳各出田爲
歲典給紹先志也史氏崔子以少卿蒞滁龍以實謁
且徵言爲世守問其族指且田數曰胤也蕃田出於
仲若季者合五十畝洎同志者餘十畝問其統曰統
有宗族之政聽於斯凡祀齒昭穆事既修儀綴食懲
慙謹示恩義焉問其物曰肴實數有正不豐昵不逆
薦問其歲入曰入有贏惟昏嫁是佐屈乏是予崔子
曰斯舉也可不謂能子孫矣乎夫孝子之心愛愛則
釋而其遡長孝子之動慤慤則著而其事庀孝子之
義周周則辨而其禮肅孝子之情公公則流而其澤

咸今人有一畝之宮斗粟之田必思以庇其子若孫
而子若孫以祀逖罔追憎焉若遺者何心哉或有事
焉弗惠弗時以匱爲說而嗇其享惡用其爲孝思哉
若或貴加賤富間貧不以毛列甚焉秦越其宗薄恩
隆怨休戚不關焉者去禽獸幾何哉吳氏之若舉也
以言其繹則事亡若存以言其事則治物孔明以言
其禮則崇本篤倫以言其澤則葛藟之風可以興吳
氏之門嗣是而安得不崇以延乎雲仍焉者安忍於
自替矣乎苟有德之不類將斲厥規利厥田者宗子
當告之曰史氏已記之石

重建城隍廟記

海門城隍廟肇建 國初比年江逼邑徙百務草草
廟祀尚虛丙寅春邑侯渭南裴君紹宗來蒞邑政適
當其劇營建鹵莽不可歲月者率經改作學宮首新
尋謀諸丞王君杰簿潘君惠進耆老於庭而告之曰
明有禮樂幽有鬼神 祖制炳蔚宜各受職廟當亟
成神其鑿吾與民圖修甫數月廟成中殿旁廡前門
後寢凡若干楹神有道幣有亭繪壁繚垣綜理整整
廟中置神主公案筆硯凜凜如生朔望必就禮之默
盟而退越三歲政成民熙今年夏侯以賢能被

命內徵將別去史氏桐方以養痾歸卧海廬耆老王
佐周瓚謀其徒謁桐屬為廟記以昭侯績桐按周禮
有司民之祭我

太祖皇帝勅斯神為鑒察司民城隍京師附享山川
郡縣咸像祀無乃周官遺意耶嘗伏讀 聖制神所
鑒而簡在帝心一語志將以重責畀神司夫君司夫
臣以慶及元元至深切也吾侯初政首誦 制詞而
立之廟迄今心跡鑿鑿幽明無憾可記也耆老曰侯
績多矣將何如桐曰是當次第記耳侯今德澤將及
天下在吾職又當為不一書也姑侯之姑侯之

嵩少山人記

南溟張子東洲崔子偕游楚於均穀諸名山得大觀焉張子語崔子曰吾於楚之游非楚也志在洛也均穀諸名山之觀也非均穀也目在嵩也少也吾身之寄若地也諸山也固跡也抑意也吾游也觀也意也無日而無吾土吾山也吾固仕也亦無日而非隱也請別號爲嵩少山人云崔子曰嗟乎子之隱其諸異乎人之隱也夫吾聞隱者之隱也其游也將有事夫避也其觀也將有事夫獨也其寄也將有事夫往也吾子之游不泥其地而以其志則天下皆可洛也吾

子之觀不泥其山而以其目則凡山皆可嵩少也吾子之寄不泥其跡而以其意則無乎其不可寄也魯之東山之岱宗孔之有也而環夫轍凡有皆孔之有也是達人之隱也嵩岑之丹丘潁水之由非無所有也嵩潁之餘非有也是隱者之隱也若子也者無避也亦無不避也非獨也亦非不獨也非往也亦無不往也其諸異夫人之隱乎嵩少山人躍然喜翔然舉擊白石而歌曰唯嵩之龍從兮吾將與俱唯西室之崆峒兮吾與其虛唯溶溶之靈寔兮吾善其攸紆唯夙駕之莫迴兮脩吾驅既而歌曰嵩有仰兮亦有伏

室有窳兮亦有幅雲之揚兮爰復微子之忠告兮將安穀崔子從而和之曰中有合矣跡非其離矣幾有會矣理爲其隨矣無固無從矣見群有之怡矣吾云誰之思矣唯山人之時矣

杭州抽分廠題名記

竹居薛子監浙稅歲滿當代圖名貞石遡前是役者逮竹居凡二人虛其左方以俟來者屬記於東洲崔子東洲子曰是不可以無名也哉竹居子曰吾非謂必欲名也計前乎我者有二石焉吾日考之得其是者師之實以爲有私淑焉嗣是而弗名將奚傳弗傳

焉後乎此者吾之得失將奚考是終焉重吾過而莫之省也東洲子曰噫公矣哉薛子之爲心也夫政本之道焉爾道求之心焉爾心惟無欲則投之華靡而不休試之財貨而不振萃之艱劇而不嘗唯無我則觀之物我而無二參之俯仰而不惑徵之古今而不禦是道也錢穀甲兵非爲粗道德性命非爲精嬪代屈信非爲變動靜語默非爲常孔子曰吾道一以貫之孟子曰仁人心也非謂是與吾求之薛子是役征矣而紓以寬詳矣而制無擾省矣而廢者興安矣而紊日整察矣而阻獲便貨矣而義自絜夫是謂無私

是謂無我猶惴惴焉懼私我有我之孤前脩也無以
示之後也後是者莫考於今也自考者莫補其闕也
而復是舉焉公矣哉薛子之爲心也充其心雖用之
天下可也薛子嘗與予語心學而大益予故即其記
名而實以心以求益於後是名者云

胡安定先生書院記

泰州爲故海陵境城西有崛壤曰泰山桐童時嘗執
經西游間從長者後一登眺焉山有神宇謁者必肅
拜祝禧桐心醜之獨不爲禮計別茲山餘四十年矣
聞前御史雷君徹其神而虛之嗣是崇正者更置書

院並主范文正胡文定二公於其中旁列諸生舍豈
非以安定爲海陵產實在昔儒宗文正嘗監西溪有
捍海功矣乎桐心賢若舉而未遂一瞻拜也嘉靖戊
戌冬十一月舜原楊君瞻以御史按蒞海陵首詢安
定公遺跡得茲山爲講學故處爰立石以識因晉謁
二公焉既而嘆曰禮貴專專斯顛顛斯感禮厭瀆瀆
斯傷傷斯射鄉賢名宦崇當以族錯列互舉非所以
尊師重道右能象功也爰檄有司奉文正公主奠置
名宦祠廼專俎豆安定公焉圖徵言於桐以碑其祠
桐也鄙無能爲役竊憶斯童時志也爲重有感曰上

古無傳人中古無傳事近古無傳心地渺風微遂成
飄響魄長雋負泯焉莫聞者衆矣是故耳感者淺而
疑目感者真而傳鄉里大賢悉諸遺乘誦諸黃髮其
儀形馨欬宛然百世之下者不減於親炙也可以列
視而莫之崇乎列視而莫之崇是雖生斯土者亦莫
知吾鄉爲孔之魯孟之鄒也何所觀法乎安定先生
以經術行義名天下景祐初受文正公之知薦定雅
樂白衣殿對天子賢之教授吳中諸生愛之如其父
兄直講太學天下宗師之至墻舍不能容是又非丁
度之所能阻撓也且今天下後世可忘所宗乎是故

君子之於有道者讀其書則思見其人入其境則思
及其門循其跡則思久其傳舜原君之愛道殆不容
無是舉也舜原冀人也而追慕安定若此鄉里之彥
瞻依左右者爲心當何如耶書院前二堂故題曰經
義制事後亭曰後樂今扁其前曰安定書院祠曰安
定胡先生祠亭曰觀海是役也翼其成者州守朱君
鑿侔朱君懷幹林君廷樟徐君份以徵言勤者海門
令孟君梅咸有得於舜原之同然者云

監察御史楊公祠記

壽春古右郡也比年政斁民乖弊端作焉嘉靖戊戌

秋七月舜原楊公以監察御史奉

命清戎留都北郡爰駐節於壽謂斯爲諸郡中土也
公所展錯一以崇本利物爲化間嘗省諸民災見其
旱方病稼水或比城疾疫殍仍民日嗷嗷公曰嗟乎
天胡降毒吾民展轉若是耶省諸民害見其萑葦盜
興羅織盈康公曰嗟乎胡同類之相殘亦若是其烈
耶省諸風俗見其絃誦日虛士氣弗作前修典墮俗
禮就淫公曰嗟乎故習尚之去本趨末若是其弗古
耶既雪予得之矣災由戾感害由政召風由倡始
是非民之罪也無乃有大蠹矣乎於是乎首逆大蠹

揃其逆醜浪淩一盪壽民大悅於是乎禱天以降霖
豐隍以固城召醫以問疾置義塚以埋死而民災紓
推扶風之故政且捕且宥以弭盜雪地下三年之群
冤以拒訐而民害熄標約立程講學考業授以著述
聯以同志表以鄉賢示以禮節而士風勵民風誠壽
民復大悅鄉老景某輩屬其徒而告之曰人有虐於
汝者汝欲遠之乎僉曰然人有德於汝者汝知報之
乎僉曰然且夫子之於父母也生也圖其形死也銘
其行祀也主諸祠將以傳諸子孫也果人情乎僉曰
然迺今揚使君之蒞我壽也捍我災禦我患良我子

弟淳我風俗真父母之保赤子也吾人誦諸口孰與
藏諸心藏諸心孰與傳諸子孫吾將圖所以俎豆之
可乎僉曰然廼相率謁州大夫錢君輩以生祠請州
大夫輩咸曰然後作無何堂序告成凡若干楹亟走
其耆老某庠士侯汝白劉鶴年以碑事謁桐桐爲紀
其實而重有感曰舜原公被壽之德猶夫諸郡也諸
郡願報之心猶夫壽民之心也是豈二三子之私也
哉詩曰豈弟君子民之父母又曰子子孫孫弗替引
之舜原公之謂與公山西蒲人諱瞻舜原其別號云

重建國子監典簿廳記

桐以庚子年三月己酉蒞國子祭酒任越三日辛亥
偕司業前峯王君從以諸廳洎六館師生達觀學宮
焉仰規制省廢興也始諸殿廡齋堂見可以墜聖者
十之三次生舍見敵者雁者闕閔者英焉蕪穢莫辨
位址者桐愀然嘆曰是不可以繕理矣乎前峯君曰
先是某嘗以繕理

請命下工曹工曹以節費寢是司空之責也吾不得
而爲也次各屬廳宇至典簿廳焉廳凡若干楹構坐
整整閭埴若新桐釋然喜曰胡獨是之尚無廢乎典
簿唐牧曰是前祭酒中川王夫子司業內方童夫子

之命也督植程度者牧之爲也廳故置啓聖祠左比年毀廳以益祠址也二夫子廼命牧以廢庫材治廳損費益闕黽勉成之洎諸齋居器用亦因創庀焉是亦司空之責也二夫子以力尚可爲廼自爲云耳桐曰嗟乎且柰何哉天下事可以爲者由乎已者也不可以爲者由乎人者也吾人亦脩夫可以爲者耳廼進館生而告之曰二三子吾不能新爾宮尚冀以新爾心可乎居爾仁路爾義戶牖爾禮讓以弗墮吾晨夕之訓能之乎二三子曰唯廼進典簿而戒之曰斧藻其染而不斧藻其躬君子之恥也典簿有關領之

責焉出納之司焉靖共爾守者可以爲也能之乎典簿曰諾僉請鐫斯言以爲二三子安且成典簿之終

宋文山文忠烈公祠記

黎令堯勲之治東臯也政和民宜紛弭務簡暇則率邑庠師生就安定先生祠講學焉嘗讀邑乘至宋文山丞相經臯度海諸詩撫卷歎息曰元胡之禍自有天地以來未有此大變文山之節自有君臣以來未有此達忠當時就義棄市嗚呼醜類猶淫涕洟至今祠廟所在過使淺夫亦知尸祝焉况丞相勤王經歷之所遺音尚存此而莫爲置祠尊崇則今日所講何

東洲集卷之二十一
事廼白祠事于巡江御史江右胡使君且以工費由
庀請胡君方戒嚴江防懼民習之不逞也惕然避席
曰賢哉令也其務敦民本識大義矣乎樹風化暴固
吾使者職也其以部下罰金助令乃董振必躬以治
東東禪寺隙地坼爽可宅也遂易地以祠其所中爲
祠宮凡若干楹前爲門凡三楹又前爲門濱諸河表
曰忠烈祠祠之東西即僧舍爲兩廡紆民力便香火
也有道有墀有垣中外整整定時薦以春秋用圖永
永俎豆丞相焉甫逾月而工萃教諭吳元曰是役也
賢令實倡之明使君實成之元輩願忠孝諸生之心

術幸毋孤吾先師孔子戒此其機也盍記諸廼狀其
故徵言於東洲桐桐曰丞相死之日宋亡已七年厓
山亦亡五年矣而竟求一死以報國其精忠義氣非
所謂貫日凌霜無所爲而爲者乎我朝追謚忠烈
坊表教忠以廟食京師所以揚前休風萬世也於今
去丞相餘三百年矣而萍浮鴻跡之鄉一有感觸遂
興敬慕而崇禮之丞相之忠烈殆將與天壤相始終
也哉東臯故有安定祠茲益以文山祠焉爲令且師
者泮宮戾至之餘時登二賢之堂展禮申義以勵士
氣以風頽俗吾鄉士庶豈無爭自濯磨棄乃凶德日

就鼎圖者乎否則崇名而棄實喜跡而忘心是上以古人之行求之而下以不肖之心應之非所望於吾鄉也

新建通州石港察院記

兩淮煮海地凡爲場三十焉淮之南爲揚揚之東場實居其十故事郡縣咸置御史院所以預致館也顧獨缺於諸場無乃謂其迂且僻耶抑薄其地未或周於置耶是故御史每駐節祇於郡縣雖勵志勤民躬親鹵壤者不越宿而行已戒僅勿勿趨辦焉耳歲癸卯蓉岡徐君奉

天子命監察兩淮鹺政甫至方勤勤於時巡疇諮剔蠹勅衷是務也且以行部無歸爲缺典焉運判郭文仰謀諸運使李邦表輩曰先是分司亦無定署比年置署石港石港實諸場中土廣輪相比出入四均置院莫若茲土便亟具請於蓉岡君君曰可損部下贖金檄通州知州李充拙授慮事同知歐陽時督其植判官楊廷璽翊其勞於是乎物土方命時日庀材用會庸徒稱畚築均廩直疏水道三越月而院成厥素弗愆院中爲公堂後爲憩堂爲寢爲軒堂之前爲屏門又前爲正門門之外表以二坊堂之左右列耳舍

墻垣厨厠閤埴秩秩僉謂是役也吾使君實勤國計
興來許不可以無紀也廼以碑事謁東洲崔子崔子
曰吾聞若古勤民君子動有時宅有常朝以興事由
阼升堂嚴帥厥屬晝以作功端居展采俾民勿墮夕
以內省就食有所計勞補過日晦節勞定息有寢夙
廼興用無入於惰淫以克兢厥職是故詩稱攸躋攸
寧爲民動也茲院之作也旅有次次旅則職安民可
近近民則情得出可時時出則事集所以樹德省風
阜財康國者蓉岡君之斯舉乎余故辭其幣而爲錄
其實俾嗣至君子知始作者有深慮焉殆非虛器爲

也

石山樓記

休寧東南之埜爲林塘林塘壤沃而秀儲范聲遠氏
族於斯築室於斯扁其賓堂曰義樂左右廳曰一樂
曰和樂至石山翁者益亢厥宗嗣以堂焉扁曰保和
保和之後晚構樓數椽規制視諸構爲獨隘蓋翁之
志懼後世雲仍日入參汰畱其晚構昭以儉也翁瀕
考終授產諸子樓屬季子本濟焉有爲本濟謀者謂
宜撤樓以務崇本濟曰否否津也聞善事其親者奉
以成訓考以舊德任以惇固猶懼其隕厥緒也警之

以箴砭誦之以晨夕陟降之以羹牆所以明紹述興
來葉也先君子以儉德聞而津也以不德承之不亦
遠於孝乎雖有巨麗吾能居諸扁其樓曰石山樓殆
將顧顏扁爲過庭以棟宇爲師保也本濟日游南雍
於余壻保生木爲莫逆交不難千里偕保生過余以
樓記謁余曰范氏其有子哉古之愛其親者覓一扇
焉猶玕襲而展玩遺一硯焉猶撫摩而涕泣况弛其
構而從於違其何以訓吾知本濟之斯舉也瞻扁則
思親思親則愛樓愛樓則務約務約則保業所以衍
令德於勿替者不在茲乎且聞林塘有多景焉本濟

登斯樓也聞牧歌於蘿阜樵唱於深山則思翁之笑
語對春野之耕雲秋潭之釣月則思翁之嗜樂俯環
秀之樓望聽泉之閣則思翁之居處面蟠龍之焦石
臨躍鯉之芳塘則思翁之棲遯孝思爲益廣將嗣服
爲日宏引翼爲日長是樓之畜業之豐也居之卑道
之崇也范氏其有子哉

新建泰州東臺察院記

東臺故無察院每御史行部輒就館于分司分司官
則退就於鹽課司焉兩淮袁運判才謀諸東臺場使
吳紹曾曰東臺實泰州十場中土御史行部道所由

東洲集卷之十一
十五
出無院以攸躋則旅無寧次事涉苟簡非所以崇等
威重國計也且通淮二司各置院而泰州獨無無乃
於綜理有缺乎亟以建院故請諸御史雲汀齊使君
君以爲然檄才授其計紹曾督其成於是乎慮事庀
材分工董植程功頒直其土方撤故祠以爲址其庸
徒召募有方無煩諸塲其費出運司公帑八百餘金
其命日始癸卯仲秋其告成是歲孟冬院中爲公堂
後爲寢堂中爲軒各四楹左右爲耳房各十楹前爲
中門又前爲前門各四楹袁運判謂雲汀君之奉
命而南也多有懋政建院其一也盍記諸廼以碑事

謁東洲桐桐曰天下事其成與否有幾焉我 國朝
鹽課司之設餘百七十年矣而院事尚莫之講何哉
上焉者豈無志焉而下不足以承之非幾也下焉者
非無謀焉而上弗之可非幾也雲汀君以務內之學
攄彪外之治本之以純篤敷之以激揚勵政勤民虛
已體物奉使之賢者也運判之能足以周旋紹曾隨
牒寄迹不負科名亦一時之良也是故上有志焉下
克承之克承則志同志同則事集是之謂和會下有
謀焉上弗鄙之弗鄙則謀獲謀獲則事成是之謂嘉
逢余所謂有幾焉者非耶觀一院之作而幾於上下

東洲集卷之十一
六
交相成則天下之事可以偏才理耶吾今廼知雲汀
君之政豈曰著在淮海雖達之天下可也雲汀君遼
陽人諱宗道別號雲汀云

宋丞相文文山先生書院記

監察御史行菴陳使君奉

勅督兩淮鹺政君克勤攸司周歷部所戊申孟秋濱
海涉淖抵通之石港焉石港故有宋丞相文先生祠
蓋丞相由高郵而通渡海遺蹟也使君瞻拜展敬企
慕徘徊者久之既見其棟宇圯廡且群蒙雜集廼嘆
曰趙宋三百年仁厚風化至先生而報成天地萬古

之綱常正氣賴先生而不隕知祠宇其神而制不崇
則不尊不尊則不敬不敬則不從非所以昭前烈興
嗣學也亟檄有司相土恢院延師授徒用廣崇奉焉
謂海門劉尹燭善規畫也俾慮事授成謂邑簿沈欽
敏經理也俾庀材典植謂司帑羸儲可取給也命運
判冉從儒發金三百有奇於是群司勵力奉公勉勿
愆素已酉孟夏以就緒謁前爲門中爲堂後爲寢又
後爲講習所左右爲耳室統若干楹使君爲題其院
曰忠孝堂曰浩然介劉尹暨邑庠師生謁碑事於余
余曰桐也不德荒歲之言惡足以辱文山哉既有感

東洲集卷之十一
於使君命名之義作而嘆曰顏斯名者其知道矣乎
傳曰事君不忠非孝也戰陣無勇非孝也先生自齧
齧時見學宮所祠歐胡諸鄉賢咸以忠謚即欣然慕
曰沒不俎豆其間非夫也弱冠舉進士有司奏其廷
對忠肝古誼爲得人賀及宋事不競雖敵臣弘範亦
以忠孝盡矣爲改心勸正氣一歌所謂立地維植天
柱貫日月繫三綱云者是誠浩然磅礴塞宇宙而盪
滄溟者也是氣也孛羅之怒不能屈柴市之慘不能
殺杭潮之盈縮不能阻厓山之颶濤不能溺殆有與
胚運元化相流通者要其問學出於孔孟成仁取義

之贊其源淵可溯也已使君既恢迺崇奉且圖買學
田若干畝館穀十場俊秀其中俾山仰斗瞻童習而
壯行焉吾知端其本而作其氣者其貞忠茂節豈無
文山其人嗣而興乎使君山東登州人諱其學蓋宿
聞鄒魯之風者也

遷海門縣記

海門故東洲鎮置縣命名肇後周顯德中編戶百有
二十里元至正中以江患北徙禮安境我
國朝改隸維揚附諸通損里爲三十有七正德中江
愈逼西徙餘中境嘉靖己亥颶濤溺民土日蹙甲辰

汪今有執請損里爲十有四會入
覲復議改邑益地以聞

今天子允厥請命下撫巡時巡撫都御史王公晞巡
按御史賈公大亨奉公惟謹掄郡倅陳坦如臯今劉
一中輩協州縣相土裁議焉賈代巡牒群屬曰邑不
遷則民溺治無土則邑虛何地可宅何里可割經度
以俟請勿弛攸司錄若勣王中丞牒群屬曰慎迺始
圖慮迺作事厥尤幾何厥金幾何會計以俟請勿弛
攸司錄若勣群屬議曰通州之東四十里海門之西
三十里有土曰金沙南襟漕河北負阜埜東有港焉

曰進鮮厥流入河環其左西有港焉曰瞿竈厥流入
河環其右左之南則利和雄鎮土山祠宇煙火鬱葱
峙若輔右之西則狼軍五峯茂林喬木聯青列秀宛
若彌宅金沙一里可以永奠益清幹六里可以裨虛
出帑金五千六百有奇可以湏費籍新裒舊可二十
里撫巡以議聞 制曰可位址卜食畚揭甫興汪令
尋以陟任去陳郡倅攝邑篆無何張令廷噐至僅朞
歲以改任去邑庠教諭劉文榮攝邑篆諸賢代續董
振其爲先者縣治宅厥中學宮宅厥左弘模傑構翼
如煥如大規藁創而群工未悉舉也劉令燭至時沈

簿欽黃幕在羨克一乃心令迺畫塵定衢補遺庀闕
諸未集者次第就緒於縣治所益者有吏舍有犴禁
有土神祠有甬有垣於學宮所益者有啓聖祠有敬
一亭有生舍有鄉賢祠名宦祠有神厨有含秀門縣
之前則聖諭有亭申明旌善有亭陰陽醫社有學總
通有舖後則城隍有廟養濟有院僧道有會司講武
有場右則公府有館憲臺有院南則便民預備有倉
駐節有亭廣通有石橋附廓有三壇議外增置者南
城築樓可門可望宗伯表坊可仰可興河渠七橋貊
貊祠宇咸取給贖金節議中千金歸諸郡帑莫有私

也邇迺闌堵相轄蔚然蔽墊有衆俛俛若安故土時
髦融融濯磨故習占籍者欣欣和會樂觀新政工始
於乙巳訖於庚戌僉謂祠實茲土產能悉改邑顛末
以碑事謁桐不敏姑紀其謀且勞者俾百世之下享
有榮懷者知所自云

修築捍海堤記

淮南之東爲維揚維揚屬土濱海而爲州者有泰有
通爲縣者有如臯有海門煮海諸場麗焉歲常鹵水
入畝民病傷稼趙宋文正范公司課西溪謀築堤捍
海自泰以抵于通沈公起令海門續范堤而東抵呂

四二堤蜿蜒可數百里民實賴焉車徒輾躡積久日
圯我

朝洪武間颶濤作民大溺嘉靖己亥颶濤作民又大
溺先是巡撫諸公嘗議請修築以遷代薄遽有志
焉而功莫果也行庵陳使君至遵海而東諮詢凋瘵
愀然嘆曰堤以捍海有堤弗治與無堤等民殫帖危
可縵縵莫之急耶乃覈實以覆聞既得請而君以
當代去東江楊使君至怵怵然曰行庵斯舉急民隱
也吾當亟成之亟成之乃謀諸郡守韓君一佑俾檄
諸屬相宜慮事而後授役焉海門負海切邇塩場受

割尤劇劉尹燭沈簿欽議曰比邑之場曰呂四曰餘
東曰餘中曰餘西曰金沙堤之闕宜補夷宜築者共
爲丈二萬八百有奇計高可一丈廣可二丈工役直金
稱厥功事廼濟御史以授郡守守曰主簿欽其董之
場之比通者曰西亭曰石港堤之夷者計爲丈三千
二百有奇工徒直金計幾何曹州守金修築之議如
海門御史以授郡守守曰同知李宜春其董之比如
臯者曰馬塘曰掘港比泰者曰草堰堤之闕者丈幾
何工徒直金計幾何脩補之議亦如之御史以授郡
守守曰同知張鶴主簿李濟其董之議既定乃發漕

東坡集卷之二十一
司帑金萬九千有奇兩以給群司群司受牒惟謹督
植程功無敢翕訛肇役庚戌秋七月閱冬十二月告
成東北相望九九屹屹如岡如墉可以永賴民大悅
知縣燭以勒石紀績請御史謙謙不欲有也問于東
洲桐桐曰若古洪水治而兩儀位禹服績而民生粒
蓋前弗作則弗傳後弗繼則弗引范公之後沈公引
之沈公之後寥寥數百禩無聞焉何哉使是役先已
亥而舉則咍睢赤子萬命豈胥爲魚鱉乎君子謂二
御史之功當不在范沈下可泯焉而無紀耶是役也
御史不惜費厥直稱力民無怨咨故事易功民溺既

防三農歲有秋人競趨作故工不斁且立法保護責
歸鹽總使更迭歲守小圯輒益土故勢可久陳君山
東登州人名其學揚君山東章丘人名選皆甲辰進
士

題省軒詩畫帙

斯帙有象有言得象而非言德弗徵也得言而遺心
譽弗情也觀心者亦求諸省忽聞耳惟省察惟克治
聖功也心弗省弗知弗知也者懵懵爾省弗治弗行
弗行也者憧憧爾其何能淑余觀斯翁之象古殆有
道者乎讀頌翁之言確抑有徵者乎考翁之素孝也

友也義也省而治治而執情聞其不悖者乎余嘗承
乏珰館聞夫人之良而弗錄焉史氏責也是用表諸
帙端且系以詞曰吾心有靈覺神與天心通彼昏者
凡子汨沒漫垢中聽爲有耳聵視爲有目矇冥行迷
溪壑寧知蹈機罟有美山中人俟如獨抱冲所貴知
我寡僻栖芳桂叢靜觀時內省慕曾修聖功洗心融
萬感約已完天衷山人今已矣跡遠道不窮瞻象晤
德音因心考厥躬懸知百世下仰止師高風

